



Na osnovu člana 24. stav (3) Zakona o državnoj službi u Federaciji Bosne i Hercegovine ("Službene novine Federacije BiH", broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine, broj: U-13/16), člana 1. Zakona o preuzimanju Zakona o državnoj službi u Federaciji Bosne i Hercegovine ("Službene novine Zeničko-dobojskog kantona", broj: 3/12) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine ("Službene novine Federacije BiH", broj: 13/19), a na zahtjev Ministarstva za obrazovanje, nauku, kulturu i sport Zeničko-dobojskog kantona, Agencija za državnu službu Federacije Bosne i Hercegovine, objavljuje

JAVNI KONKURS
za popunu radnih mjesta državnih službenika u
Ministarstvu za obrazovanje, nauku, kulturu i sport
Zeničko-dobojskog kantona

Radna mjesta:

- 01. Pomoćnik ministra za planiranje, analitiku i poslove saobraćajne edukacije - 1 (jedan) izvršilac**
- 02. Inspektor za oblast obrazovanja i nauke - 1 (jedan) izvršilac**
- 03. Stručni savjetnik za informacione sisteme i baze podataka - 1 (jedan) izvršilac**

01. Opis poslova: neposredno rukovodi sektorom i raspoređuje poslove i zadatke izvršiocima unutar sektora, i to: organizuje vršenje svih poslova iz nadležnosti sektora, utvrđuje prioritet u radu, daje uputstva i smjernice za rad, predlaže poslove i radne zadatke za godišnji program rada Ministarstva, utvrđuje periodične planove rada, utvrđuje prijedlog godišnjeg izvještaja o radu Ministarstva iz djelokruga sektora, prati stanje u sektoru i predlaže sistemska poboljšanja i rješenje unutar sektora, radi na zakonitom, stručnom i blagovremenom obavljanju poslova i radnih zadataka - vrši najsloženije poslove iz utvrđene nadležnosti, obavlja i druge poslove i zadatke iz djelokruga poslova i zadataka koje mu naloži ministar, poznavanje procedura propisanih standardima BAS EN ISO 9001:2015. Za svoj rad neposredno odgovara ministru.

02. Opis poslova: vrši neposredan inspekcijski nadzor nad primjenom i izvršavanjem zakona, drugih propisa i općih akata kojima se uređuje oblast obrazovanja, naučnoistraživačka djelatnost u naučnim ustanovama, organizacijama predškolskog odgoja i obrazovanja, osnovnim i srednjim školama, visokoškolskim ustanovama, i donosi rješenja po službenoj dužnosti: obavlja propisane poslove u vezi sa upravnim sporovima i prekršajima i krivičnim djelom, izrađuje analitičko informativne materijale iz djelokruga svojih poslova i zadataka, prilikom izrade nacрта i prijedloga zakona i drugih propisa koji se odnose na oblast obrazovanja i nauke, neposredno učestvuje u davanju stručnih prijedloga, sugestija, mišljenja i inicijativa, poznavanje procedura propisanih standardima BAS EN ISO 9001:2015. Za svoj rad neposredno je odgovoran Glavnom kantonalnom inspektor u i ministru.

03. Opis poslova: obavlja stručne informaciono-dokumentacione poslove važne za funkcioniranje i obavljanje poslova Ministarstva, i u okviru toga: izrađuje planove, programe i tehničku dokumentaciju za uspostavljanje, razvoj i održavanje informacionih sistema u svim oblastima obrazovanja, obezbjeđuje koordinaciju i integraciju postojećeg sistema i javnih informacionih sistema, unapređuje tehnologiju i servise informacionih sistema, izrađuje metodologiju formiranja baza podataka i godišnjih programa rada škola kao i svih drugih obrazovnih i odgojnih ustanova iz nadležnosti Ministarstva, prikuplja i sistematizira informacije i vrši njihovu analitičku obradu, daje uputstva i podršku u procesu prikupljanja podataka vezanih za rad škola, kao i svih drugih obrazovnih i odgojnih ustanova iz nadležnosti Ministarstva, ažurira web stranicu Ministarstva sa punim pristupom zakonskoj i podzakonskoj regulativi za sve nivoe obrazovanja i nauke, obavlja i druge poslove koje mu na osnovu zakona ili drugog propisa naloži pomoćnik ministra za planiranje, analitiku i poslove saobraćajne edukacije, sekretar odnosno ministar Ministarstva, poznavanje procedura propisanih standardima BAS EN ISO 9001:2015. Za svoj rad neposredno je odgovoran pomoćniku ministra za planiranje, analitiku i poslove saobraćajne edukacije.

Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
4. da je zdravstveno sposoban/a za vršenje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

Pored općih uvjeta navedenih u javnom konkursu, kandidati moraju ispunjavati i sljedeće posebne uvjete, i to:

Radno mjesto 01:

- VSS (VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja - ciklus studija sa najmanje 240 ECTS bodova), visokog obrazovanja pravne i upravne struke, ekonomski, filozofski fakultet ili fakultet humanističkih nauka, prirodno-matematički fakultet ili tehnički fakultet, fakultet za sport i tjelesni odgoj, kineziološki fakultet,
- najmanje 5 (pet) godina radnog staža u oblasti obrazovanja i nauke, odnosno poslovima svoje struke nakon sticanja stručne spreme,
- poznavanje rada na računaru,

Radno mjesto 02:

- VSS (VII stepen stručne spreme, odnosno završeno visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova), prirodno matematički fakultet, filozofski fakultet, pedagoški fakultet, fakultet političkih nauka, fakultet za sport i tjelesni odgoj, kineziološki fakultet, pravni fakultet, tehnički fakulteti, fakultet humanističkih nauka - fakulteti koji obrazuju nastavnike,
- najmanje 3 (tri) godine radnog staža u oblasti obrazovanja nakon sticanja visoke stručne spreme, odnosno visokog obrazovanja,
- položen stručni ispit za samostalni rad u nastavi (kandidati su dužni u rubrici „Ispit profesionalne nadogradnje/usavršavanja“ u dijelu koji se odnosi na „Posebne ispite tražene javnim konkursom“, da navedu broj i datum uvjerenja o položenom stručnom ispitu za samostalni rad u nastavi),
- poznavanje rada na računaru,

Radno mjesto 03:

- VSS (VII stepen, odnosno visoko obrazovanje prvog, drugog ili trećeg ciklusa Bolonjskog sistema studiranja – ciklus studija sa najmanje 240 ECTS bodova), elektrotehnički fakultet - smjer informatika, fakultet informatike, fakultet računarstva, mašinski fakultet ili drugi tehnički fakultet informatičkog smjera,
- najmanje 3 (tri) godine radnog staža u struci nakon sticanja visoke stručne spreme, odnosno visokog obrazovanja.

Prijavljivanje-potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Službe za postavljenja u organima državne službe u Zeničko-dobojskom kantonu ili na web stranici Agencije <https://ekonkurs.adsfbih.gov.ba>).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom [Obrascu uvjerenja](#) (može se preuzeti u prostorijama Službe za postavljenja u organima državne službe u Zeničko-dobojskom kantonu ili na web stranici Agencije <https://ekonkurs.adsfbih.gov.ba>).

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, <https://ekonkurs.adsfbih.gov.ba>. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uvjeta javnog konkursa.

Ovjerena fotokopija diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica.

Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uvjeta javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.

Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave u „Službenim novinama Federacije BiH”, neovisno od toga kada su dokazi dostavljeni.

Kandidat koji u bilo čemu ne postupi po navodima javnog konkursa bit će isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH
Služba za postavljenja u organima državne službe u
Zeničko-dobojskom kantonu, Kučukovići broj 2, 72000 Zenica
sa naznakom:**

**“Javni konkurs za popunu radnih mjesta državnih službenika
u Ministarstvu za obrazovanje, nauku, kulturu i sport
Zeničko-dobojskog kantona, sa pozivom na broj: 09-30-8-37/24“**

D I R E K T O R

Refik Begić, magistar uprave